

Sumáriu Kazu
Tribunál Distritál Oe-Cusse
Edisaun Janeiru 2017

Afirmasaun: Sumáriu Kazu tui mai ne'e deskreve faktu sira no prosesu iha tribunál tui JSMP nia monitorizasaun independente, no deklarasaun ne'ebé parte sira fó iha tribunál nia laran. Informasaun ne'e la reprezenta JSMP nia hanoin hanesan instituisaun ida.

JSMP kondena maka'as forma violénsia hotu-hotu, liuliu hasoru feto no ema vulnerable. JSMP afirma la iha justifikasi saun ba violénsia hasoru feto.

Sumáriu prosesu julgamentu kazu iha Tribunál Distritál Oe-Cusse

1. Totál kazu ne'ebé JSMP monitoriza: 18

Tipu Kazu	Tipu Kazu	Númeru
Artigu 145 Kódigu Penál (KP) no artigu 35 Lei Kontra Violénsia Doméstika (LKVD)	Ofensa ba integridade física simples ho natureza violénsia doméstika	11
Artigu 151 (KP)	Ofensa corporal resíproka	1
Artigu 145 (KP) -	Ofensa ba integridade física simples	2
Artigu 157 (KP)	Krime danu simples	1
Artigu 207 (KP)	Kondusaun sem karta	2
Artigu 258 & 251 (KP)	Danu simples no furtu simples	1
Totál		18

2. Totál desizaun ne'ebé JSMP monitoriza : 17

Tipu desizaun	Númeru
Suspensaun ba pena prizaun – (artigu 68) KP	9
Pena multa – (artigu 67) KP	2
Pena admoestrasaun	2
Omologa dezistensia keixa	2
Absolve	1
Totál	17

3. Total kazu sira ne'ebé adia tuir JSMP nia monitorizasaun : 1

Razaun adiamantu	Númeru
Lezada lamarka prezensa	1
Totál	1

A. Deskripsiun sumáriu julgamentu ba desizaun kazu sira

1. Krime ofensa ba integridade fízika simples ho natureza violénsia doméstika

Nú. Prosesu	: 0169/16.OESIC
Kompozisaun Tribunál	: Singulár
Juis	: Dr. João Ribeiro
Ministériu Públiku	: Dr. Ricardo Leite Godinho
Defeza	: Dr. Afonso Gomes Fatima (Defensória Públika)
Tipu pena	: Pena admoestasaun

Iha 16 Janeiru 2017, Tribunál Distritál Oe-Cusse prezide julgamentu leitura sentensa ba krime ofensa ba integridade fízika simples ne'ebé envolve arguidu GMX hasoru nia feen, iha Distritu Oe-Cusse.

Akuzasaun Ministériu Públiku

Ministériu Públiku akuza katak iha 13 Novembru 2016, maizumenus iha tuku 23:00 kalan, arguidu basa dala 1 iha lezada nia hasan parte karuk no rezulta moras no mean iha lezada nia hasan.

Ministériu Públiku akuza arguidu kontra artigu 145 Kódigu Penál kona-ba krime ofensa ba integridade fízika simples ho moldura penál to'o tinan 3 prizaun ka multa konjuga ho artigu 2 LKVD kona-ba conseitu violénsia doméstika, artigu 3 letra (a) LKVD kona-ba relasaun familia, artigu 35 letra (b) LKVD kona-ba tipu krime violénsia doméstika. Kazu ne'e aneksa mós ho relatóriu mediku hosi Ospital Referal Oe-Cusse no fotográfia hosi Polísia VPU Distritu Oe-Cusse.

Produsaun ba prova

Iha julgamentu, arguidu confesa faktus hotu iha akuzasaun, arguidu mós deklara katak arepende ona nia hahalok, foin primeira-vez komete krime no diak malu ona ho lezada.

Tanba arguidu confesa faktus hotu iha akuzasaun, Ministériu Públiku husu ba Tribunál atu presinde lezada nia deklarasaun ne'ebé antes ne'e Ministériu Públiku arola ona atu rona.

Alegasaun finál

Iha alegasaun finál, Ministériu Públiku haktuir katak arguidu provadu komete krime hasoru nia feen no tuir lolos arguidu mak proteze lezada tanba nia fetu no laiha forsa atu halo reasaun hasoru arguidu. Tanba ne'e husu ba Tribunál atu kondena arguidu ho pena prizaun fulan 6 no suspende ba tinan 1.

Enkuantu Defeza haktuir katak arguidu confesa faktus hotu iha akuzasaun no foin primeira-vez komete krime. tanba ne'e husu ba Tribunál atu fó pena ne'ebé justu ba arguidu.

Desizaun

Depoisde avalia faktus provadu sira ne'ebé produs durante julgamentu, Tribunál konklui prosesu ne`e no kondena arguidu ho pena admoestasaun no selu mós kustu judisial \$20.00.

2. Krime ofensa ba integridade fízika simples

Nú. Prosesu	: 0025/16.OEOSL
Kompozisaun Tribunál	: Singulár
Juis	: Dr. João Ribeiro
Ministériu Públiku	: Dr. Ricardo Leite Godinho
Defeza	: Dr. Marcelino Marques Coro (Defensória Públika)
Tipu pena	: Pena prizaun fulan 9 suspende ba tinan 1

Iha 16 Janeiru 2017, Tribunál Distritál Oe-Cusse prezide julgamentu leitura sentensa ba krime ofensa ba integridade fízika simples ne'ebé envolve arguidu Batista Suni hasoru nia kuñadu Domingos Eco, iha Suku Bobometo, Sub-distritu Oesilo, Distritu Oe-Cusse.

Akuzasaun Ministériu Públiku

Ministériu Públiku akuza katak iha 15 Setembru 2016, maizumenus iha tuku 11:30 dadersan, arguidu tuku dala 5 iha lezadu nia ulun no dala 1 iha lezadu nia kanotak sorin loos, nune'e rejulta lezadu sofre bubu no mean iha ulun no kanotak. Kazu ne'e akontese tanba baliza rai nian.

Ministériu Públiku mós aneksa relatório mediku hosi Ospital Referal Oe-Cusse no fotografia hosi Polisia VPU Distritu Oe-Cusse.

Ministériu Públiku akuza arguidu kontra artigu 145 Kódigu Penál kona-ba krime ofensa ba integridade física simples ho moldura penál to'o tinan 3 prizaun ka multa.

Produsaun ba prova

Iha julgamento arguidu deklara katak iha faktus balun loos no faktus balun laloos. Faktus hirak ne'ebé loos mak arguidu tuku deit dala 5 iha lezadu nia ulun, no la-tuku lezadu nia kanotak. Arguidu mós deklara katak arepende ona nia hahalok no foin primeira-vez komete krime, arguidu hanesan agrikultur ho rendimento kada fulan US\$10.00 too US\$20.00. Enkuantu lezadu kontinua konfirma faktus sira iha akuzasaun Ministériu Públiku.

Alegasaun finál

Iha alegasaun finál, Ministériu Públiku haktuir katak arguidu provadu komete krime hasoru lezadu. Tanba ne'e husu ba Tribunál atu kondena arguidu ho pena multa. Enkuantu Defeza haktuir katak arguidu confesa deit faktus ne'ebé nia komete no arrepende ona nia hahalok. Tanba ne'e husu ba Tribunál atu aplika pena ne'ebé adekuadu tuir arguidu nia sala.

Desizaun

Depoisde avalia faktus provadu sira ne'ebé produs durante julgamento, Tribunál konklui prosesu ne'e no kondena arguidu ho pena prizaun fulan 9 no suspende ba tinan 1.

3. Krime ameasa no ofensa ba integridade física simples ho natureza violénzia doméstika

Nú. Prosesu	: 0027/16.OEPMK
Kompozisaun Tribunál	: Singulár
Juis	: Dr. João Ribeiro
Ministériu Públiku	: Dr. Ricardo Leite Godinho
Defeza	: Dr. Marcelino Marques Coro (Defensória Públka)
Tipu pena	: Pena prizaun fulan 6 suspende ba tinan 1

Iha 16 Janeiru 2017, Tribunál Distritál Oe-Cusse prezide julgamento leitura sentensa ba krime ameasa no ofensa ba integridade física simples ho natureza violénzia doméstika ne'ebé envolve arguidu PdJE hasoru nia feen, iha Distritu Oe-Cusse.

Akuzasaun Ministériu Públiku

Ministériu Públiku akuza katak iha 3 Agostu 2016, maizumenus iha tuku 20:00 kalan, arguidu buti dala 2 iha lezada nia kakorok no rezulta lezada sofre moras iha kakorok. Aleinde ne'e arguidu mós ameasa lezada katak "*loron ida o sei mate*".

Ministériu Públiku akuza arguidu kontra artigu 157 Kódigu Penál kona-ba krime ameasa no 145 Kódigu Penál kona-ba ofensa ba integridade física simples konjuga ho artigu 2 LKVD kona-ba konseitu violénzia doméstika, artigu 3 letra(a) kona-ba relasaun familia no artigu 35 letra (b) LKVD kona-ba tipu krime violénzia doméstika.

Produsaun ba prova

Iha julgamentu, Tribunál halo uluk prosesu konsiliaсаun ba krime ameasa, no arguidu husu diskulpa ba lezada no promete katak sei la komete tan krime hanesan hasoru lezada iha futuru. Tanba ne`e lezada husu ba Tribunál atu deziste nia-keixa hasoru arguidu. Bazeia ba akordu hosi parte rua no pedidu dezisténsia keixa hosi lezada, Tribunál omologa akordu hosi pedidu dezistensia keixa ne`e.

Enkuantu ba krime violénsia doméstika, arguidu konfesa faktus hotu iha akuzasaun, arguidu mós deklara katak nia arrepende ona nia hahalok, foin primeira-vez komete krime no diak malu ona ho lezada, arguidu hanesan profesór kontratadu iha pre-sekundariu ho vensimentu kada fulan US\$125.00 no iha oan nain 3.

Tanba arguidu konfesa faktus hotu iha akuzasaun, Ministériu Públiku husu ba Tribunál atu presinde lezada nia deklarasaun ne'ebé antes ne`e Ministériu Públiku arola ona atu rona.

Alegasaun finál

Iha alegasaun finál, Ministériu Públiku haktuir katak arguidu provadu komete krime hasoru lezada no tuir loloos arguidu mak proteze lezada tanba nia fetu no laiha forsa atu halo reasaun hasoru arguidu. Tanba ne`e husu ba Tribunál atu kondena arguidu ho pena prizaun fulan 6 no suspende ba tinan 1.

Enkuantu Defeza haktuir katak arguidu konfesa faktus hotu iha akuzasaun no arrepende ona nia hahalok. Tanba ne`e husu ba Tribunál atu fó pena adekuadu ba arguidu.

Desizaun

Depoisde avalia faktus provadu sira ne'ebé produs durante julgamentu, Tribunál konklui prosesu ne`e no kondena arguidu ho pena prizaun fulan 9 no suspende ba tinan 1.

4. Krime ofensa ba integridade física simples ho natureza violénsia doméstika

Nú. Prosesu	: 0179/16.OESIC
Kompozisaun Tribunál	: Singulár
Juis	: Dr. João Ribeiro
Ministériu Públiku	: Dr. Ricardo Leite Godinho
Defeza	: Dr. Marcelino Marques Coro (Defensória Públika)
Tipu pena	: Pena prizaun tinan 1 suspende ba tinan 1

Iha 17 Janeiru 2017, Tribunál Distritál Oe-Cusse prezide julgamentu leitura sentensa ba krime ofensa ba integridade física simples ho natureza violénsia doméstika ne'ebé envolve arguidu EO hasoru nia feen, iha Distritu Oe-Cusse.

Akuzasaun Ministériu Públiku

Ministériu Públiku akuza katak iha 29 Setembru 2016, maizumenus iha tuku 23:00 kalan, arguidu tuku dala 1 iha lezada nia matan okos parte karuk, no rezulta mean no moras. Kazu ne`e

aneksa mós ho relatório mediku hosi Pradet Oe-Cussse no fotografia hosi Polisia VPU Distritu Oe-Cusse.

Ministériu Públiku akuza arguidu kontra artigu 145 Kódigu Penál kona-ba krime ofensa ba integridade fízika simples konjuga ho artigu 2 LKVD kona-ba konseitu violénsia doméstika, artigu 3 letra (a) LKVD kona-ba relasaun familia no artigu 35 letra (b) LKVD kona-ba tipu krime violénsia doméstika.

Produsaun ba prova

Iha julgamento arguidu confesa faktus hotu iha akuzasaun, arguidu mós deklara katak arrepende ona nia hahalok, foin primeira-vez komete krime no diak malu ona ho lezada.

Tanba arguidu confesa faktus hotu iha akuzasaun, Ministériu Públiku husu ba Tribunál atu presinde lezada nia deklarasaun ne'ebé antes ne'e Ministériu Públiku arola ona atu rona.

Alegasaun finál

Iha alegasaun finál, Ministériu Públiku haktuir katak arguidu provadu komete krime hasoru nia feen. Tanba ne'e husu ba Tribunál atu kondena arguidu ho pena prizaun fulan 9 no suspende ba tinan 1.

Enkuantu Defeza haktuir katak arguidu confesa faktus hotu iha akuazasaun, arepende ona nia hahalok, nune'e husu ba Tribunál fó pena ne'ebé adekuadu ba arguidu.

Desizaun

Depoisde avalia faktus provadu sira ne'ebé produs durante julgamento, Tribunál konklui prosesu ne'e no kondena arguidu ho pena prizaun tinan 1 no suspende ba tinan 1.

5. Krime ofensa ba integridade fízika simples ho natureza violénsia doméstika

Nú. Prosesu	: 0173/16.OESIC
Kompozisaun Tribunál	: Singulár
Juis	: Dr. João Ribeiro
Ministériu Públiku	: Dr. Ricardo Leite Godinho
Defeza	: Dr. Marcelino Marques Coro (Defensória Públika)
Tipu pena	: Pena prizaun fulan 6 suspende ba tinan 1

Iha 17 Janeiru 2017, Tribunál Distritál Oe-Cusse prezide julgamento leitura sentensa ba krime ofensa ba integridade fízika simples ho natureza violénsia doméstika ne'ebé envolve arguidu AE hasoru nia feen, iha Distritu Oe-Cusse.

Akuzasaun Ministériu Públiku

Ministériu Públiku akuza katak iha 21 Setembru 2016, maizumenus iha tuku 16:00 lokraik, arguidu basa dala 1 iha lezada nia hasan parte loos, basa tan dala 1 iha lezada nia hasan parte karuk no arguidu mós tebe dala 1 iha lezada nia kelen sorin karuk. Kazu ne'e aneksa mós ho relatório mediku hosi Pradet Oe-Cussse no fotografia hosi Polisia VPU Distritu Oe-Cusse.

Ministériu Públiku akuza arguidu kontra 45 Kódigu Penál kona-ba ofensa ba integridade fízika simples konjuga ho artigu 2 LKVD kona-ba konseitu violénsia doméstika, artigu 3 letra(a) kona-ba relasaun familia no 35 letra (b) LKVD kona-ba tipu krime violénsia doméstika.

Produsaun ba prova

Iha julgamentu, arguidu konfesa faktus hotu iha akuzasaun, arguidu mós deklara katak arrepende ona nia hahalok, foin primeira-vez komete krime no diak malu ona ho lezada.

Tanba arguidu konfesa faktus hotu iha akuzasaun, Ministériu Públiku husu ba Tribunál atu presinde lezada nia deklarasaun ne'ebé antes ne'e Ministériu Públiku arola ona atu rona.

Alegasaun finál

Iha alegasaun final, Ministériu Públiku haktuir katak arguidu provadu komete krime hasoru lezada. Tanba ne'e husu ba Tribunál atu kondena arguidu ho pena prizaun fulan 6 no suspende ba tinan 1. Enkuantu Defeza haktuir katak arguidu konfesa faktus hotu iha akuzasaun no foin primeira-vez komete krime. Tanba ne'e husu ba Tribunál atu fó pena ne'ebé adekuadu ba arguidu.

Desizaun

Depoisde avalia faktus provadu sira ne'ebé produs durante julgamentu, Tribunál konklui prosesu ne'e no kondena arguidu ho pena prizaun fulan 6 no suspende ba tinan 1.

6. Krime ofensa korporál resíproka

Nú. Prosesu	: 0175/16.OESIC
Kompozisaun Tribunál	: Singulár
Juis	: Dr. João Ribeiro
Ministériu Públiku	: Dr. Ricardo Leite Godinho
Defeza	: Dr. Calisto Tout (Defensória Públika)
Tipu pena	: Omologa dezistensia keixa

Iha 18 Janeiru 2017, Tribunál Distritál Oe-Cusse prezide julgamentu tentativa konsiliaisaun ba krime ofensa korporál resíproka ne'ebé envolve AT ho MF nu'udar feen-laen, iha Distritu Oe-Cusse.

Akuzasaun Ministériu Públiku

Ministériu Públiku akuza katak iha 25 Setembru 2016, maizumenus iha tuku 24:00 kalan, arguidu lori saku ne'ebé nakonu ho sasan kios nian baku dala 1 iha lezada nia kabas, tanba ne'e lezada foti botir *bir bintang* nian hodi baku dala 1 iha arguidu nia ulun no rezulta kanek kiik, bubu no mean iha arguidu nia ulun. Kazu ne'e aneksa mós ho relatóriu mediku hosi Ospitál Referal Oe-Cussse no fotografia hosi Polisia VPU Distritu Oe-Cusse.

Ministériu Públiku akuza arguidu kontra artigu 151 Kódigu Penál kona-ba krime ofensa korporál resíproka.

Produsaun ba prova

Iha prosesu konsiliaisaun ne'e, parte sira hakarak dame malu tanba depoisde akontesementu ne'e sira dame malu kendas. Tanba ne'e parte sira husu ba Tribunál atu deziste sira nia-keixa.

Ministériu Públiku no Defeza apresia akordu no pedidu dezisténsia ne'ebé parte rua deside ona no husu ba Tribunál atu omologa akordu ne'e.

Desizaun

Bazeia ba akordu hosi parte rua no pedidu dezisténsia keixa hosi parte rua, Tribunál omologa akordu no pedidu dezisténsia keixa ne'e.

7. Krime ofensa ba integridade fízika simples ho natureza violénsia doméstika

Nú. Prosesu	: 0117/16.OESIC
Kompozisaun Tribunál	: Singulár
Juis	: Dr. João Ribeiro
Ministériu Públiku	: Dr. Ricardo Leite Godinho
Defeza	: Dr. Calisto Tout (Defensória Públika)
Tipu pena	: Pena prizaun tinan 1 no suspende ba tinan 1 fulan 6

Iha 18 Janeiru 2017, Tribunál Distritál Oe-Cusse prezide julgamentu leitura sentensa ba krime ofensa ba integridade fízika simples ne'ebé envolve arguidu PT hasoru nia feen, iha Distritu Oe-Cusse.

Akuzasaun Ministériu Públiku

Ministériu Públiku akuza katak iha 20 Juñu 2016, maizumenus iha tuku 09:00 dader, arguidu tuku dala 1 iha lezada nia hasan parte loos-besik matan-nia okos, no rezulta lezada sofre moras. Kazu ne'e aneksa mós ho relatóriu mediku hosi Pradet Oe-Cusse no fotografía hosi Polisia VPU Distritu Oe-Cusse.

Ministériu Públiku akuza arguidu kontra 145 Kódigu Penál kona-ba krime ofensa ba integridade fízika simples konjuga ho artigu 2 LKVD kona-ba konseitu violénsia doméstika, artigu 3 letra(a) kona-ba relasaun familia no artigu 35 letra(b) LKVD kona-ba tipu krime violénsia doméstika nian.

Produsaun ba prova

Iha julgamentu, arguidu confesa faktus hotu iha akuzasaun, arguidu mós deklara katak nia arrepende ona nia hahalok, foim primeira-vez komete krime no depoisde akontesementu diak malu kendas ho lezada.

Tanba arguidu confesa faktus hotu iha akuzasaun, Ministériu Públiku husu ba Tribunál atu presinde lezada nia deklarasaun ne'ebé antes ne'e Ministériu Públiku arola ona atu rona.

Alegasaun finál

Iha alegasaun final, Ministériu Públiku haktuir katak arguidu provadu komete krime hasoru nia lezada no kazu violénsia doméstika barak akontese iha Timor-Leste liu-liu iha Rejiaun Oe-Cusse. Tanba ne'e husu ba Tribunál atu kondena arguidu ho pena prizaun fulan 6 suspende ba tinan 1.

Enkuantu Defeza haktuir katak arguidu konfesa faktus hotu iha akuzasaun, foin primeira-vez komete krime. Tanba ne'e husu ba Tribunál atu fó pena ne'ebé adekuadu ba arguidu.

Desizaun

Depoisde avalia faktus provadu sira ne'ebé produs durante julgamento, Tribunál konklui prosesu ne'e no kondena arguidu ho pena prizaun tinan 1 no suspende ba tinan 1 fulan 6.

8. Krime ofensa ba integridade fízika simples ho natureza violénsia doméstika

Nú. Prosesu	: 0031/16.OEPMK
Kompozisaun Tribunál	: Singulár
Juis	: Dr. João Ribeiro
Ministériu Públiku	: Dr. Ricardo Leite Godinho
Defeza	: Dr. Calisto Tout (Defensória Públika)
Tipu pena	: Pena prizaun fulan 6 no suspende ba tinan 1

Iha 18 Janeiru 2017, Tribunál Distritál Oe-Cusse prezide julgamento leitura sentensa ba krime ofensa ba integridade fízika simples ho natureza violénsia doméstika ne'ebé envolve arguidu JT hasoru nia feen, iha Distritu Oe-Cusse.

Akuzasaun Ministériu Públiku

Ministériu Públiku akuza katak iha 09 Agostu 2016, maizumenus iha tuku 02:00 madrugada, arguidu buti dala 1 iha lezada nia kakorok no rezulta lezada sofre moras iha kakorok. Kazu ne'e aneksa mós ho relatório mediku hosi Ospital Referal Oe-Cussse no fotográfia hosi Polisia VPU Distritu Oe-Cusse.

Ministériu Públiku akuza arguidu kontra artigu 145 Kódigu Penál kona-ba krime ofensa ba integridade fízika simples konjuga ho artigu 2 LKVD kona-ba konseitu violénsia doméstika, artigu 3 letra (a) kona-ba relasaun familia no artigu 35 letra(b) LKVD kona-ba tipu krime violénsia doméstika.

Produsaun ba prova

Iha julgamento arguidu konfesa faktus hotu iha akuzasaun, arguidu mós deklara katak arepende ona nia hahalok no foin primeira-vez komete krime no depoisde akontesementu arguidu diak malu kedas ho lezada.

Tanba arguidu konfesa faktus hotu iha akuzasaun, Ministériu Públiku husu ba Tribunál atu presinde lezada nia deklarasaun ne'ebé antes ne'e Ministériu Públiku arola ona atu rona.

Alegasaun finál

Iha alegasaun final, Ministériu Públiku haktuir katak arguidu provadu komete krime hasoru lezada no kazu violénsia doméstika barak mak akontese iha Timor Leste liu-liu iha Rejiaun Oe-Cusse. Tanba ne'e husu ba Tribunál atu kondena arguidu ho pena prizaun fulan 6 no suspende ba tinan 1.

Enkuantu Defeza haktuir katak arguidu konfesa faktus hotu iha akuzasaun, arrepende ona nia hahalok no diak malu ona ho lezada. Tanba ne'e husu ba Tribunál fó pena adekuadu tuir arguidu nia kulpa.

Desizaun

Depoisde avalia faktus provadu sira ne'ebé produs durante julgamento, Tribunál konklui prosesu ne`e no kondena arguidu ho pena prizaun fulan 6 no suspende ba tinan 1 no selu mós kustu judisial US\$50.00.

9. Krime kondusaun sem karta

Nú. Prosesu	: 0025/16.OESTR
Kompozisaun Tribunál	: Singulár
Juis	: Dr. João Ribeiro
Ministériu Públiku	: Dr. Ricardo Leite Godinho
Defeza	: Dr. Calisto Tout (Defensória Públika)
Tipu pena	: Pena multa US\$ 90.00

Iha 18 Janeiru 2017, Tribunál Distritál Oe-Cusse prezide julgamento leitura sentensa ba krime kondusaun sem karta ne'ebé envolve arguidu Fagundu Mauno hasoru Estadu RDTL, iha Suku Costa, Sub-distritu Pante-makassar, Distritu Oe-Cusse.

Akuzasaun Ministériu Públiku

Ministériu Públiku akuza katak iha 25 Julu 2015, maizumenus iha tuku 10:00 dadersan, arguidu lori motor revo no soke lezadu Rozildo Adriano Barreto, rezulta lezadu nia-ain naksalak. Tanba ne'e Polisia pasa revista no hetan katak arguidu iha duni karta kondusaun, tanba kartaun kondusaun mate ona desde loron 6 Outubru 2012.

Ministériu Públiku akuza arguidu kontra artigu 207 Kódigu Penál kona-ba krime kondusaun sem karta ne'ebé ho moldura penál too tinan 2 ka multa.

Produsaun ba prova

Iha julgamento arguidu konfesa faktus hotu iha akuzasaun, arguidu mós deklara katak arrepende ona nia hahalok no foin primeira-vez komete krime. Arguidu hanesan funzionariu iha STAE ho vensimentu kada fulan US\$222.00. Iha parte seluk arguidu mós deklara katak ba krime soke lezadu ne'e sira rezolve ona tuir tradisaun Timor nian.

Tanba arguidu konfesa faktus hotu iha akuzasaun, Ministériu Públiku husu ba Tribunál atu presinde testamuña nia depoimentu ne'ebé antes ne'e Ministériu Públiku arola ona atu rona.

Alegasaun finál

Iha alegasaun final, Ministériu Públiku haktuir katak kazu kondusaun sem karta. Ministériu Públiku argumenta katak kada fulan sempre akontese no rejista aas iha Regiaun Oe-Cusse. Tanba ne`e husu ba Tribunál aplika pena multa ba arguidu bazeia ba artigu 207 Kódigu Penál.

Iha parte seluk, Defeza haktuir katak arguidu konfesa faktus hotu, arrepende ona nia hahalok nune`e husu ba Tribunál aplika pena ne'ebé adekuadu ba arguidu.

Desizaun

Depoisde avalia faktus provadu sira ne'ebé produs durante julgamento, Tribunál konklui prosesu ne'e no kondena arguidu ho pena multa US\$90.00 no sei selu US\$1.00 kada loron durante loron 90. Tribunál mós fiksa pena alternativa durante loron 60 prizaun, wainhira arguidu la kumpri pena multa ne'e no selu mós kustu judisial US\$10.00.

10. Krime ofensa ba integridade fízika simples ho natureza violénsia doméstika

Nú. Prosesu	: 0009/16.OEBCN
Kompozisaun Tribunál	: Singulár
Juis	: Dr. João Ribeiro
Ministériu Públiku	: Dr. Ricardo Leite Godinho
Defeza	: Dr. Calisto Tout (Defensória Públika)
Tipu pena	: Pena prizaun tinan 1 suspende ba tinan 1

Iha 19 Janeiru 2017, Tribunál Distritál Oe-Cusse prezide julgamento leitura sentensa ba krime ofensa ba integridade fízika simples ho natureza violénsia doméstika ne'ebé envolve arguidu JO hasoru nia feen, iha Distritu Oe-Cusse.

Akuzasaun Ministériu Públiku

Ministériu Públiku akuza katak iha 22 Maiu 2016, maizumenus iha tuku 18:00 lokraik, arguidu lori kopu fatuk tuda lezada iha lezada nia ulun parte loos, no rezulta kanek kois iha lezada nia ulun. Kazu ne'e aneksa mós ho relatório mediku hosi Ospital Referal Oe-Cusse no fotografia hosi Polisia VPU Distritu Oe-Cusse.

Ministériu Públiku akuza arguidu kontra artigu 145 Kódigu Penál kona-ba krime ofensa ba integridade fízika simples ho moldura penál to'o tinan 3 ka multa konjuga ho artigu 2 LKVD kona-ba konseitu violénsia doméstika, artigu 3 letra(a) kona-ba relasaun familia no artigu 35 letra(b) LKVD kona-ba tipu krime violénsia doméstika.

Produsaun ba prova

Iha julgamento, arguidu konfesa faktus hotu iha akuzasaun, arguidu mós deklara katak arrepende ona nia hahalok. Arguidu mós deklara katak foin primeira-vez komete krime no depoisde akontesementu ne'e diak malu kedas ho lezada.

Tanba arguidu konfesa faktus hotu iha akuzasaun, Ministériu Públiku husu ba Tribunál atu presinde lezada nia deklarasaun ne'ebé antes ne'e Ministériu Públiku arola ona atu rona.

Alegasaun finál

Iha alegasaun final, Ministériu Públiku haktuir katak arguidu provadu komete krime hasoru nia feen no arguidu nia hahalok ne'e proividu tanba kuandu tuda ema ho kopu fatuk bele kauza ka kanek todan. Tanba ne'e husu ba Tribunál atu kondena arguidu ho pena prizaun tinan 1 no suspende ba tinan 1.

Enkuantu Defeza haktuir katak arguidu konfesa faktus hotu iha akuzasaun, arrepende ona nia hahalok no foin primeira-vez komete krime. Tanba ne'e husu ba Tribunál aplika pena ne'ebé adekuadu ba arguidu.

Desizaun

Depoisde avalia faktus provadu sira ne'ebé produs durante julgamentu, Tribunál konklui prosesu ne'e no kondena arguidu ho pena prizaun tinan 1 suspende ba tinan 1.

11. Krime ofensa ba integridade fízika simples ho natureza violénsia doméstika

Nú. Prosesu	: 0011/16.OEBCN
Kompozisaun Tribunál	: Singulár
Juís	: Dr. João Ribeiro
Ministériu Públiku	: Dr. Ricardo Leite Godinho
Defeza	: Dr. Calisto Tout (Defensória Públika)
Tipu pena	: Pena admoestasaun

Iha 19 Janeiru 2017, Tribunál Distritál Oe-Cusse prezide julgamentu leitura sentensa ba krime ofensa ba integridade fízika simples ho natureza violénsia doméstika ne'ebé envolve arguidu NB hasoru nia oan feto nain rua GB no JB, iha Distritu Oe-Cusse.

Akuzasaun Ministériu Públiku

Ministériu Públiku akuza katak iha 30 Mei 2016, maizumenus iha tuku 21:30 kalan, arguidu lori ai-sar kesak futun 1 baku dala ida iha lezada GB nia kotuk laran no baku dala 1 iha lezada JB nia ulun. Aktu ne'e rezulta lezada nain rua sofre moras iha kotuk laran no ulun.

Ministériu Públiku akuza arguidu kontra artigu 145 Kódigu Penál kona-ba krime ofensa ba integridade fízika simples konjuga ho artigu 2 LKVD kona-ba konseitu violénsia doméstika, artigu 3 letra(a) kona-ba relasaun familia no artigu 35 letra(b) LK V D Kona-ba tipu krime violénsia doméstika.

Produsaun ba prova

Iha julgamentu arguidu konfesa faktus hotu iha akuzasaun no deklara katak arrepende ona nia hahalok. Arguidu mós deklara katak foin primeira-vez komete krime no diak malu kedes ho lezada nain rua.

Tanba arguidu konfesa faktus hotu iha akuzasaun, Ministériu Públiku husu ba Tribunál atu presinde lezada nain rua nia deklarasaun ne'ebé antes ne'e Ministériu Públiku arola ona atu rona.

Alegasaun finál

Iha alegasaun finál, Ministériu Públiku haktuir katak arguidu provadu komete krime hasoru lezada nain rua no baku oan tuir lei Timor-Leste ne'e konsidera nu'udar krime. Tanba ne'e husu ba Tribunál atu kondena arguidu ho pena admoestasaun. Aleinde ne'e defeza mós konkorda ho alegasaun Ministériu Públiku.

Desizaun

Depoisde avalia faktus provadu sira ne'ebé produs durante julgamentu, Tribunál konklui prosesu ne'e no kondena arguidu ho pena admoestasaun.

12. Krime ofensa ba integridade fizika simples

Nú. Prosesu	: 0020/16.OEPMK
Kompozisaun Tribunál	: Singulár
Juis	: Dr. João Ribeiro
Ministériu Públiku	: Dr. Mateus Nessi
Defeza	: Dr. Afonso Gomes Fatima (Defensória Públika)
Tipu pena	: Omologa dezistensia keixa

Iha 23 Janeiru 2017, Tribunál Distritál Oe-Cusse prezide julgamentu tentativa konsiliasaun ba krime ofensa ba integridade fízika simples ne'ebé envolve arguidu Elias Cofitalan hasoru Pedru Neno nu'udar lezadu. Kazu ne'e akontese iha Suku Lifau, Sub-distritu Pante-makassar, Distritu Oe-Cusse.

Akuzasaun Ministériu Públiku

Ministériu Públiku akuza kataak iha 17 Outubru 2016, maizumenus iha tuku 14:00 meudia, arguidu tuku dala 1 iha lezadu nia reen-toos no tebe dala 1 iha lezadu nia kelen loos, no resulta lezadu sofre moras iha reen-toos no kelen. Kazu ne'e akontese tanba atu hatama bee ba natar.

Ministériu Públiku akuza arguidu kontra artigu 145 Kódigu Penál kona-ba krime ofensa ba integridade fízika simples ho moldura penál too tinan 3 ka multa.

Produsaun ba prova

Iha prosesu tentativa konsiliasaun ne'e, lezadu husu atu deziste fali nia keixa tanba antes ne'e arguidu husu ona diskulpa ba lezadu. Aleinde ne'e lezadu mós husu ba arguidu atu iha futuru labele repete tan hahalok hanesan hasoru lezadu.

Ministériu Públiku no Defeza apresia akordu ne'ebé parte rua deside ona no husu ba Tribunál atu omologa akordu ne'e.

Desizaun

Bazeia ba akordu hosi parte rua no pedidu dezisténsia keixa hosi lezadu, Tribunál konsidera no omologa akordu hosi pedidu dezisténsia keixa ne'e.

13. Krime kondusaun sem karta

Nú. Prosesu	: 0016/16.OESTR
Kompozisaun Tribunál	: Singulár
Juis	: Dr. João Ribeiro
Ministériu Públiku	: Dr. Mateus Nessi
Defeza	: Dr. Marcelino Marques Coro (Defensória Públika)
Tipu pena	: Pena multa US\$90.00

Iha 23 Janeiru 2017, Tribunál Distritál Oe-Cusse prezide julgamentu leitura sentensa ba krime kondusaun sem karta ne'ebé envolve arguidu Jose Luis Caunan hasoru Estadu RDTL, iha Suku Cunha, Sub-distritu Pante-makasar, Distritu Oe-Cusse.

Akuzasaun Ministériu Públiku

Ministériu Públiku akuza katak iha 13 Agostu 2016, maizumenus iha tuku 20:00 kalan, arguidu lori motor revo iha estrada públiku no motor refere laiha xapa matrikula. Wainhira Polisia pasa revista no hetan katak arguidu laiha karta kondusaun.

Ministériu Públiku akuza arguidu kontra artigu 207 Kódigu Penál kona-ba krime kondusaun sem karta ho moldura penál too tinan rua ka multa.

Produsaun ba prova

Iha julgamentu arguidu konfesa faktus hotu iha akuzasaun, no deklara katak nia arrepende ona nia hahalok no foin primeira-vez komete krime no arguidu hanesan funsionariu ho rendimentu kada fulan US\$166.00.

Alegasaun finál

Iha alegasaun final, Ministériu Públiku haktuir katak kada fulan kazu ne'e sempre akontese no rejista aas iha Regiaun Oe-Cusse. Tanba ne'e husu ba Tribunál aplika pena multa ba arguidu bazeia ba artigu 207 Kódigu Penál.

Enkuantu Defeza haktuir katak arguidu konfesa faktus hotu, arrepende ona nia hahalok. Tanba ne'e husu ba Tribunál aplika pena ne'ebé adekuadu ba arguidu.

Desizaun

Depoisde avalia faktus provadu sira ne'ebé produs durante julgamentu, Tribunál konklui prosesu ne'e no kondena arguidu ho pena multa US\$90.00 no sei selu US\$1.00 kada loron durante loron 90. Tribunál mós fiksa pena alternativa durante loron 60 prizaun, wainhira arguidu la kumpri pena multa ne'e no selu mós kustu judisial US\$30.00.

14. Krime danu simples

Nú. Prosesu	: 0162/16.OESIC
Kompozisaun Tribunál	: Singulár
Juis	: Dr. João Ribeiro
Ministériu Públiku	: Dr. Mateus Nessi
Defeza	: Dr. Marcelino Marques Coro (Defensória Públika)

Tipu desizaun : Pena prizaun tinan 1 suspende ba tinan 2 ba arguidu JBCS no ba arguida FCR kondena ho pena tinan 1 suspende ba tinan 1.

Iha 24 Janeiru 2017, Tribunál Distritál Oe-Cusse hala'o julgamentu leitura sentensaba krime danu simples ne'ebé envolve arguidu Jose Braz da Costa Soares ho arguida Francisca do Rosario da Costa hasoru lezadu Anastacio Ximenes. Kazu ne'e akontese iha Suku Costa Sub-distritu Pante-makassar, Distritu Oe-Cusse.

Akuzasaun Ministériu Públiku

Ministériu Públiku akuza katak iha 01 Setembru 2016, maizumenus iha tuku 10:30 meudia, arguida FRC haruka arguidu JBCS (arguida FRC nia oan mane) taa has sanak ne'ebé pertensia ba lezadu nia rai. Lezadu husu tanbasa mak tesi has ne'e, arguidu hatan katak "*o bele ba keixa iha Polisia no Tribunál hau sei latauk*". Problema ne'e akontese tanba momentu lezadu sukat rai, laiha koñesementu hosi arguida/u sira.

Ministériu Públiku akuza arguidu kontra artigu 258 Kódigu Penál kona-ba danu simples ho moldura penál too tinan 3 ka multa.

Antes ne'e Tribunál halo konsiliaсаun ba parte sira maibé lakonsege tanba lezadu lakoi atu deziste fali nia keixa tanba arguida/u sira nia hahalok ne'e repete dalabarak ona no lezadu husu atu buka lialos.

Produsaun ba prova

Iha prosesu inspeksaun ba lokal-de-krime hatudu katak has ne'e los duni pertensia ba lezadu nian ne'ebé komfirmadu hosi arguidu/a rasik inklui batar ne'ebé kada tinan lezadu mak sempre hamoos no kuda rai ne'e no konfirma hosi arguidu rasik. Entertantu arguida FRC deklara katak rai ne'ebé lezadu sira hela ne'e arguida/u sira nian tanba arguida iha *surat kuasa no sertifikadu* kompletu mesmu lezadu hela iha rai ne'e komesa iha tinan 1960.

Alegasaun finál

Iha alegasaun finál Ministériu Públiku husu ba Tribunál atu kondena arguidu/a sira tuir artigu 258 Koódigu Penál tanba intende katak faktu ne'ebé lezadu deklara loos. Faktu iha inspeksaun konfirma arguida mak haruka nia oan mane taa has sanak hodi kauza has tinan ne'e lafuan. Dokumentu ne'ebé arguida apresenta ba Tribunál laloos, tanba asinatura iha deklarasaun la'os mai hosi xefe suku eleitu.

Enkuantu Defeza husu ba Tribunál atu fó pena adekuadu tuir arguidu sira-nia sala, tanba antes ne'e sira konfesa ba Tribunál katak arguida FRC mak haruka nia oan mane, arguidu JBCS taa has ne'e. Defeza intende katak problema ne'e akontese tanba arguida/u ho lezadu sira-nia problema sira antes la resolve.

Desizaun

Depoisde avalia faktus provadu sira ne'ebé produs durante julgamentu, Tribunál konklui prosesu ne'e no kondena arguida FRC ho pena prizaun tinan 1 suspende ba tinan 1, no ba arguidu JBCS

Tribunál kondena ho pena prizaun tinan 1 suspende ba tinan 2*

15. Krime ofensa ba integridade fízika simples ho natureza violénsia doméstika

Nú. Prosesu	: 0171/16.OESIC
Kompozisaun Tribunál	: Singulár
Juis	: Dr. João Ribeiro
Ministériu Públiku	: Dr. Ricardo Leite Godinho
Defeza	: Dr. Marcelino Marques Coro (Defensória Públika)
Tipu pena	: Pena prizaun tinan 1 suspende ba tinan 1

Iha 27 Janeiru 2017, Tribunál Distritál Oe-Cusse prezide julgamentu leitura sentensa ba krime ofensa ba integridade fízika simples ho natureza violénsia doméstika ne'ebé envolve arguidu HO hasoru nia feen, iha Distritu Oe-Cusse.

Akuzasaun Ministériu Públiku

Ministériu Públiku akuza katak iha 16 Setembru 2016, maizumenus iha tuku 19:00 kalan, arguidu lori ai-bebak baku dala 2 iha lezada nia liman karuk, basa dala 2 iha lezada nia hasan sorin loos no no basa dala 2 iha lezada hasan parte karuk. Kazu ne'e aneksa mós ho relatório mediku hosi Pradet Oe-Cusse no fotográfia hosi Polisia VPU Distritu Oe-Cusse.

Ministériu Públiku akuza arguidu kontra artigu 145 Kódigu Penál kona-ba krime ofensa ba integridade fízika simples ho moldura penál to'o tinan 3 prizaun ka multa konjuga ho artigu 2 LKVD kona-ba conseitu violénsia doméstika, artigu 3 letra(a) kona-ba relasaun familia no artigu 35 letra(b) LKVD kona-ba tipu krime violénsia doméstika.

Produsaun ba prova

Iha julgamentu arguidu konfesa faktus hotu iha akuzasaun, deklara mós katak arrepende ona nia hahalok, foin primeira-vez komete krime no depoisde akontesementu sira dame malu kedas ona ho lezada.

Tanba arguidu konfesa faktus hotu iha akuzasaun, Ministériu Públiku husu ba Tribunál atu presinde lezada nia deklarasaun ne'ebé antes ne'e Ministériu Públiku arola ona atu rona.

Alegasaun finál

Iha alegasaun final, Ministériu Públiku haktuir katak arguidu provadu komete krime hasoru lezada. Tanba ne'e husu ba Tribunál atu kondena arguidu ho pena prizaun fulan 6 no suspende ba tinan 1.

* Favor haree komunikadu imprensa JSMP ho titlu "Arguida rejeita desizaun juis: presiza akonselamentu defeza atu cliente sira respeita autoridade Tribunál" ne'ebé publika iha 31 Janeiru 2017 ka bele vizita direita iha : http://jsmp.tl/wp-content/uploads/2017/01/PrArguiduREJEITADesizaunJuisOECUSSE_Tetum.pdf

Enkuantu Defeza haktuir katak arguidu arrepende ona nia hahalok no foin primeira-vez komete krime. Tanba ne'e husu ba Tribunál atu fó pena ne'ebé adekuadu ba arguidu.

Desizaun

Depoisde avalia faktus provadu sira ne'ebé produs durante julgamentu, Tribunál konklui prosesu ne'e no kondena arguidu ho pena prizaun tinan 1 no suspende ba tinan 1.

16. Krime furtu simples no danu simples

Nú. Prosesu	: 0037/16.OEPMK
Kompozisaun Tribunál	: Singulár
Juis	: Dr. João Ribeiro
Ministériu Públiku	: Dr. Mateus Nessi
Defeza	: Dr. Afonso Gomes Fatima (Defensória Públika)
Tipu pena	: Absolve arguidu AB no kondena arguidu FT ho pena multa US\$60.00

Iha 31 Janeiru 2017, Tribunál Distritál Oe-Cusse prezide julgamentu leitura sentensa ba krime furtu simples no danu simples ne'ebé envolve arguidu Francisco Timo no Antonio Bacun hasoru lezadu Custodio Nessi. Kazu ne'e akontese iha Suku Taiboco, Sub-distritu Pante-makassar, Distritu Oe-Cusse.

Akuzasaun Ministériu Públiku

Ministériu Públiku akuza katak iha 30 Agostu 2016, maizumenus iha tuku 09:00 dadersan, arguidu FT haruka arguidu AB lori katana sae nu'u iha lezadu nia kintal hodi taa estraga nu'u nia tahan hamutuk 24 hosi nu'u hun 5 no akar tahan 4 hosi akar hun 1 no arguidu AB foti nu'u nurak fuan 5. Kazu ne'e akontese tanba arguidu sira taa nu'u tahan sein kuñesementu hosi lezadu.

Ministériu Públiku akuza arguidu kontra artigu 251 Kódigu Penál kona-ba krime furtu simples ho moldura penál too tinan 3 ka multa no artigu 258 Kódigu Penál kona-ba krime danu simples ho moldura penál too tinan 3 ka multa.

Produsaun ba prova

Iha julgamentu, Tribunál halo tentativa konsiliasaun, nune'e, lezadu husu atu deziste fali nia keixa, maibé arguidu tenke selu fali osan ba lezadu ho valor US\$75.00, maibé arguidu sira la konkorda no kontinua ba prosesu.

Iha prosesu ne'e, arguidu sira konfesa faktus hotu iha akuzasaun, arguidu sira mós deklara katak arepende ona sira nia hahalok no foin primeira-vez komete krime. Iha parte seluk lezadu kontinua mantein faktus sira iha akuzasaun.

Tanba arguidu sira konfesa faktus hotu iha akuzasaun, Ministériu Públiku husu ba Tribunál atu presinde testemuña nia deklarasaun ne'ebé antes ne'e Ministériu Públiku arola ona atu rona.

Alegasaun finál

Iha alegasaun finál, Ministériu Públiku haktuir katak arguidu sira konfesa faktus hotu no arrepende ona ba sira nia hahalok. Maibé Ministériu Públiku konsidera katak la-ihá faktu sira ne'e lanesesariu no fundamento atu kondena arguidu sira tanba arguidu sira taa deit nu'u nia tahan tuan no nu'u nafatin moris no fuan. Tanba ne'e Ministériu Públiku husu atu absolve arguidu sira hosi krime danu simples maibe ba krime furtu simples husu ba Tribunál atu kondena arguidu sira ho pena multa.

Aleinde ne'e Defeza mós haktuir katak arguidu sira konfesa faktus hotu iha akuzasaun. Maibe defeza mós hanoin katak krime danu simples ne'e la lori prejuízu ba lezadu, tanba ne'e husu ba Tribunál atu absolve arguidu nain. Enkuantu ba krime furtu simples husu ba Tribunál tetu didiak atu bele hatu'ur justisa ida ne'ebé lolos tuir arguidu nain 2 kulpa.

Desizaun

Depoisde avalia faktus provadu sira ne'ebé produs durante julgamentu, Tribunál konklui prosesu ne'e no kondena arguidu ho pena multa US\$60.00, ne'ebé sei selu gradualmente 0.50 sentavus kada loron durante loron 120. Entretantu ba arguidu AB Tribunál absolve.

17. Krime ofensa ba integridade física simples ho natureza violénsia doméstika

Nú. Prosesu	: 0183/16.OESIC
Kompozisaun Tribunál	: Singulár
Juis	: Dr. João Ribeiro
Ministériu Públiku	: Dr. Ricardo Leite Godinho
Defeza	: Dr. Calisto Tout (Defensória Públika)
Tipu pena	: Absolve

Iha 31 Janeiru 2017, Tribunál Distritál Oe-Cusse prezide julgamentu leitura sentensa ba krime ofensa ba integridade física simples ne'ebé envolve arguidu ASdD hasoru nia banin mane JSNT, iha Suku Costa, Sub-distritu Pante-makasar, Distritu Oe-Cusse.

Akuzasaun Ministériu Públiku

Ministériu Públiku akuza katak iha 03 Outubru 2016, maizumenus iha tuku 23:00 kalan, arguidu tuku dala 1 iha lezadu nia reen-toos parte karuk, no kauza lezadu monu ba rai. Hafoin ida-ne'e, arguidu kontinua kaer lezadu nia ain karuk no dudu lezadu nia kotuk ba iha parede no rejulta kanek kiik iha lezadu nia kotuk laran no bubu iha lezadu nia reen-toos. Kazu ne'e akontese tanba wainhira arguidu diskuti malu hela ho nia feen kona-ba hahan no lezadu hase sira katak "*atu sai hanesan asu karik, sai tiha ba liur.*" Kazu ne'e aneksa mós ho relatório mediku hosi Ospital Referal Oe-Cussse no fotografia hosi Polisia VPU Distritu Oe-Cusse.

Ministériu Públiku akuza arguidu kontra artigu 145 Kódigu Penál kona-ba krime ofensa ba integridade física simples konjuga ho artigu 2 kona-ba konseitu violénsia doméstika, artigu 3 letra(a) kona-ba relasaun familia no artigu 35 letra(b) LKVD kona-ba tipu krime violénsia doméstika.

Produsaun ba prova

Iha julgamentu, arguidu deklara katak tuku dala 1 deit iha lezadu nia reen-toos, no ida-ne'e atu hases'an hosi lezadu ne'ebé kaer ai atu baku arguidu. Arguidu mós deklara katak arepende ona nia hahalok no foin primeira-vez komete krime.

Enkuantu lezadu deklara katak arguidu tuku dala 4 iha lezadu nia reen-toos no kauza lezadu monu ba rai, no depois arguidu continua tuku tan dala 1 iha lezadu nia oin no rasta lezadu hosi uma laran sai ba liur. Agresaun ne'e kauza lezadu nia isin kotuk kanek kiik no bubu iha lezadu nia oin.

Testemuña Angelina Falo (Arguidu nia feen) depoimenta katak wainhira haree lezadu no arguidu hamrik atu baku malu, testemuña ko'us nia oan kiik no rasta ho nia oan feto bo'ot ba tiha uma kotuk tanba tauk kuandu sira baku malu bele sama kona labarik sira no testemuña. Tanba ne'e testemuña la haree akontesementu ne'e.

Alegasaun finál

Iha alegasaun fínál, Ministériu Públiku husu ba Tribunál atu absolve arguidu husi krime ne'e tanba Ministériu Públiku intende katak arguidu halo lejítima defeza tuir artigu 44 Kódigu Penál atu evita atake hosi lezadu ne'ebé iha momento ne'ebá kaer hela ai ida. Aleinde ne'e Defeza mós konkorda ho alegasaun Ministériu Públiku nian atu Tribunál absolve arguidu.

Desizaun

Depoisde avalia faktus provadu sira ne'ebé produs durante julgamentu, Tribunál konklui prosesu ne`e no absolve arguidu.

Sumariu kazu ida ne'e bele imprimi tan ho apoiu jenerozu husi povu Amerikanu liu husi Ajensia Estadus Unidus ba Dezenvolvimentu Internasional (USAID) bazeia ba Akordu Kooperasaun ho Númeru AID-486-A-13-00007 ba programa Ba Distrito iha Timor-Leste, ne'ebé nia implementasaun lidera husi Ajensia Counterpart International ho nia parseiru sira. JSMP mak responsabiliza tomak ba konteudu no hanoin iha komunikadu imprensa ida ne'e nia laran no la nesesariamente refleta USAID ka Governu Estadus Unidus Amerikanu nia opiniaun.”

Atu hetan informasaun kompleitu, favor kontaktu:

Luis de Oliveira Sampaio
Diretor Ezekutivu JSMP
Diresaun e-mail: luis@jsmp.tl